

百佛名經

隋北天竺三藏法師那連提耶舍譯

如是我聞一時佛在舍衛國祇樹給孤獨園與大比丘比丘尼優婆塞優婆夷大菩薩衆及大諸天帝釋天王大梵天王四天大王天

龍夜叉乾闥婆阿脩羅迦樓羅緊那羅摩睺

信二

十七

羅伽人非人等無量百千大衆前後圍繞恭敬供養尊重讚歎爾時世尊爲諸大衆宣說妙法時尊者舍利弗即從座起整理衣服右膝著地合十指掌而白佛言惟願世尊演說十方現在世界諸佛名號所以者何若有善男子善女人聞是現在諸佛名者生大功德發阿耨多羅三藐三菩提心得不退轉亦當速成阿耨多羅三藐三菩提爾時佛告舍利弗善哉善哉汝今爲欲利益安樂諸大衆故

覆護憐愍諸衆生故令諸衆生所求滿故欲令一切生歡喜故亦爲未來諸菩薩等增善根故善哉善哉生善覺觀作如是問如是問者皆是如來威神之力舍利弗汝今諦聽若有善男子善女人聞是現在諸佛名號能受持者一切魔衆於是人所不得其便一切惡人亦不得便獲得無量無邊甚深功德隨所生處具菩薩行得宿命通顏容端正衆相具足常得親近供養諸佛乃至速成阿耨多羅三藐三菩提何以故舍利弗若有聞是諸佛名號受持讀誦恭敬禮拜書寫供養展轉教他所得功德無量無邊爾時世尊即說偈言若能持此佛名者 此人不爲刀所傷 毒不能害火不燒 亦不墮於八難中 得見大智金色光 三十二相諸法王

既得見於諸佛已 無量供養彼諸佛
其目不盲不赤黃 身不偃曲不一眼
得那羅延大力身 受持佛名報如是
常得天龍及夜叉 乾闥婆等所供養
怨家惡人不能害 受持佛名報如是

汝今諦聽舍利弗

信二

如我所說微妙語

十八

若有聞此佛名者 則得近於菩提道
是故汝今志心聽 十方世界大法王
能拔衆生煩惱刺 譬如藥樹除衆病
愚癡盲冥凡夫等 施與菩薩智慧眼
又如行施勝菩薩 無量千億恒沙界
於中悉滿閻浮金 晝夜六時無休息
施與大悲大導師 又以梅檀滿百刹
旛蓋衣服如恒沙 無量千萬億劫中
一心而以用布施 復於一佛國土中

滿中建立諸佛塔 於一劫中而供養
如恒河沙等諸佛 又造高塔如須彌
其塔悉以七寶成 如是徧滿十千刹
其數三十有六億 以赤梅檀及眞珠
造作繖蓋供養具 一一繖蓋能遍覆

百佛世界等諸國

眞珠流蘇齊佛刹

其數猶如恒河沙

於空復造金繖蓋

其數亦如恒河沙

色如紫磨眞金像

各各遍照三千界

一一塔中設供養

無量無邊無數劫

如上所作諸功德

不及能發菩提心

如是能發菩提心

住不放逸清淨戒

不及能持此佛名

如是能持此佛名

又能憐愍諸衆生

所在諸方廣流布

教令受持佛名者

彼於一切衆生中

爲作福田猶如來

信二

十九

爾時佛告舍利弗若有一心受持讀誦憶念
不忘此佛名者所生貪欲瞋恚愚癡諸怖畏
等即得除滅未生貪欲瞋恚愚癡諸怖畏者
能令不生爾時世尊即說佛名

南無月光佛 南無阿閼佛 南無大莊嚴
佛 南無多伽羅香佛 南無常照曜佛
南無栴檀德佛 南無最上佛 南無蓮華
幢佛 南無蓮華生佛 南無寶聚佛 南
無阿伽樓香佛 南無大精進佛 南無栴
檀德佛 南無娑伽羅佛 南無巨海佛
南無幢德佛 南無梵德佛 南無大香佛
南無大生佛 南無寶網佛 南無阿彌
陀佛 南無大施德佛 南無大金柱佛
南無大念佛 南無言無盡佛 南無常散
華佛 南無大愛佛 南無師子香勝佛

南無養德佛 南無帝釋火燄佛 南無常
樂德佛 南無師子華德佛 南無寂滅幢
佛 南無戒王佛 南無普德佛 南無普
德象佛 南無無憂德佛 南無優波羅香
佛 南無大地佛 南無大龍德佛 南無
清淨王佛 南無大愛佛 南無蓮華德佛
南無捨華佛 南無龍德佛 南無華聚
佛 南無香象佛 南無常觀佛 南無正
作佛 南無善住佛 南無尼瞿盧陀王佛
南無無上王佛 南無月德佛 南無栴
檀林佛 南無日藏佛 南無德藏佛 南
無須彌力佛 南無摩尼藏佛 南無金剛
王佛 南無威德佛 南無無壞佛 南無
善見佛 南無精進德佛 南無大海佛
南無覆婆羅樹佛 南無跋蹉德佛 南無

佛天佛 南無師子幢佛 南無毗頭德佛

南無無邊德佛 南無德智佛 南無厚

德佛 南無華幢佛 南無象德佛 南無

精進德佛 南無龍德佛 南無德生佛

南無寶聚佛 南無德婆瑳子佛 南無論

議佛 南無普見佛 南無寶多羅佛 南

無普捨佛 南無大供養德佛 南無大網

佛 南無斷一切衆生疑王佛 南無寶德

佛 南無普蓋佛 南無大蓋佛 南無勝

德佛 南無千供養佛 南無寶蓮華奮迅

佛 南無厚德佛 南無智幡佛 南無寶

月德佛 南無尼瞿盧陀婆瑳王佛 南無

常德佛 南無普蓮華佛 南無平等德佛

南無龍護救濟佛

此諸佛名等 能救護世間 初夜誦一遍

信二

三二

思念佛而眠 中夜誦一遍 後夜亦復然

如是晝三時 於初中後分 一時誦一遍

精勤不放逸 誦此佛名故 常得見好夢

惡鬼及惡人 不能得其便 是故此佛名

能救護世間 一切天樂神 夜叉鳩槃荼

羅刹諸鬼等 不能起障礙 於此百佛名

常能念持者 一切諸魔事 不能得其便

爾時天帝釋 三十三天王 整理身衣服

胡跪而合掌 白佛言世尊 我等常衛護

受持佛名者 及四天大王 亦常護於彼

受持佛名者 唯除必定業 不可得救護

一切天人中 無能加惡者 爾時一切智

出大微妙聲 八種和雅音 善美衆樂聞

普告諸大衆 速受此佛名 於十方世界

所在廣流布 而作大法施 斷除衆生疑

大聖釋迦文

演說此法時

三百諸比丘

悉得諸漏盡

復有比丘尼

其數有四十

一切漏法盡

逮得阿羅漢

復有優婆塞

其數滿五十

住勝歡喜心

獲果須陀洹

復有優婆夷

其數千一百

皆遠離塵垢

而得法眼淨

復有大天王

無量千萬衆

於法王法中

得清淨法眼

如彼恒河沙

分之爲三分

菩薩如一分

悉獲無生忍

三千大千刹

是時六震動

諸山及高峯

大地皆震吼

於上虛空中

雨諸天妙華

天龍非人等

喜聲悉徧滿

爾時帝釋天

目連離婆多

蛇奴劫賓那

摩訶迦旃延

及摩訶迦葉

漚樓頻迦葉

乃至那迦葉

富樓彌多羅

善吉不見空

阿難陀跋提

沓婆摩羅子

如是等大衆

一萬五千人

同聲白佛言

釋師子法王

我盡精進力

皆悉無有餘

以諸神通力

於無量世界

化作無量身

過無量佛刹

常說此佛名

亦如佛所說

爾時佛世尊

爲令衆見故

示現大神通

現無量億刹

以佛神通力

見釋師子王

處處而徧滿

說此修多羅

亦如過去佛

所說無差別

佛告諸大衆

我於無量劫

久善修神通

於無上佛法

決定莫生疑

安隱衆生故

速說此佛名

令諸衆生等

永離生死苦

爾時佛告慧命舍利弗若有善男子善女人

聞佛名已深信清淨發菩提心愛樂受持晝

夜精勤讀誦書寫廣爲他說得無量無邊廣

大功德得不退轉乃至速成阿耨多羅三藐

三菩提一切衆魔不能僥亂佛說是經已慧

